

摘藻堂四庫全書薈要

集部

欽定四庫全書薈要卷一萬三千四百三十九

集部

御製詩三集卷十

古今體一百二首

辛巳二

新正萬壽山

燈筵待啟政幾閒行樂新正萬壽山綵綴九微曾未試
殿閣雖懸華燈然偶來巡幸卓
午而返曾未一張燈宴賞也
畫開一燈已堪攀景欣

孚甲含胎際春在人心物性間
匝匝西峯屏是玉祥占

汜勝為怡顏

玉瀾堂即景

書堂枕昆明常時俯汗漫春寒雪後凝湖水未盡泮凝
者光磨鏡泮者文漪練流動與堅白互妙本合撰叶是
謂露體全詎云得景半

惠山園

壽山東障枕長渠既窈而深清復舒問景偏欣優雪後
行韶恰合載陽初軒收孫氏琳琅笥

星妙軒在園內

園寓秦家

水竹居又為民艱罷巡蹕

以高寶數屬被水暫停今春南巡

九龍春色

且姑徐

清可軒題壁

山陰適可尋積雪層峯在清憩倚巖軒結構饒仙態夏
涼冬則溫芝英育沆瀣來屢得如初觀澄殊所會泐壁
句斯多慙愧綺言戒

高克恭仿米雲山

以意求非以形貌雲山煙樹指分明是真悟得拈花旨
不向如來行處行

交趾果然

寓屬生交趾自呼名果然歡同難還共小後大居前柳
異王孫惡郭齊君子賢不因皮適禡林處命寧捐

拔達山汗素爾坦沙貢刀歌

獻馘早已嘉攄誠薄來厚往遣使行感恩致貢器用呈
佩刀一握偃月形兩馬先之白與青邊臣代進達帝京
出鞘麗水躍如星昆吾割玉古所稱鉛鋒鑄出浪人精
寶鈿金錯太麗生皮室草帶堅且輕無所用也方銷兵

付弄武庫徵來庭

題巨然溪山林藪

山自堂堂水自瀾村墟綴景不須為譬如文到昌黎筆
那藉纖奇藻續施

上元前夕曲宴宗藩即席得句

碧落水蟾欲滿輪九經要義曰親親奉時綺席歌行輩
戴澤華樓看積銀先兆謾須稱大有後庭適可叙家人
皇清億萬斯年業永篤

天禧睦懿倫

詠黃玉壁

伯雍種太寧子產薦圓靈色自如蒸栗精惟化填星剛
柔叶中德溫潤永千齡鄙矣趙卿問懷哉鮑氏銘

上元夕恭侍

皇太后觀燈

十五莫開玉甍圓稱觴

介祉綺燈筵共歡此夕非常夕

恒健高年大慶年
翠火結成萬壽字
銀花圖出九如篇
合天下養人同願
無量應知

福履綿

董祥蘭竹

珊瑚鞭是硃勾竹
瓊玖佩為翠纈蘭
漫道偶開生面耳
不離不即總澄觀

上元燈詞八首

今年初度玉輪團
傍晚欣定紫瀾已
盛悉新於底見

重熙燈節此長安

西樓又值上元宵

王母樓頭佳慶饒獻壽恰當

七袞始賀正猶萃九瀛朝

大宛回部各分班深目于思總忤顏列坐賜茶陳百戲
紅霞數抹幕西山

都盧倒刺奇難述轉磔緣繩技畢覃謾議侏離雜夷樂
列觀諸部取相諳

暮色蒼然合放燈一時樓閣朗千層
花開閨苑齊條鬢霞起赤城方蔚蒸

繁晏皇都度元夜沖凝韶令迓春祺
人和歲美斯真慶雲郁泉甘亦底為

星星一綫飛空迅爛爛千林著蕊均
已喜光明杯照世更看仁壽鏡宜人

侍

慈行慶與時行消息還籌虛若盈
古寺空寮春月入箇

燈常放大光明

上元後一日曲宴廷臣

例宴朝臣元夕後燈筵排日答韶年共欣高閣猶餘澤
可識明廷要尚賢
莫葉那真一已落桂輪纔欠秒來圓
土膏欲動省耕候相悅
招聲在徵絃

蟪蛄籠蟲先啟蟄
醅醅盆卉襍揚馨
武成上將皆陪座
去歲曲宴廷臣有尚繼長途振旅
人之句今兆惠富德等皆預宴
遠靖何邦敢弗庭奚

取縱橫傳耗磨可聽俚俗事
摸釘同民樂更思民瘼俞

咈無非贊輯寧

觀回部繩伎聯句

有序

繩伎即古尋橦度索之遺而徵信者史闕有間國

家諸藩向化方伎畢臻若傑侏瓠離大之可以數

典紀功精之可以省風體物所由來遠矣比因回

紇內屬花門抱器者胥隸樂府獻歲列部番覲燈

筵款侍乃命回人緣高楔跨脩繩前奏斯伎以悵

觀聽其始也戛戛子子無挾而造則近乎勇其繼

也于于徐徐出險而亨則近乎智其究也油油灑
灑奉身而退則又近乎仁蓋一藝而三善具焉若
是昔昌黎石鼎聯詠重自標置謂吾詩云云不解
人間書矧我二三詞臣方當釐宮懸所必備補王
會所未圖而可孤勝事作恒語乎是用即目首倡
俾劉綸于敏中聯成五十韻以示誌西域者垂之
副墨

御製筠冲今允服都盧昔所稱燈節陳長伎

幢戲超同朋首髡省纏髮脰露路辭裹膝扱袪屬靈

鞬

臣劉綸

束體襍組繒連隊次樂部儲具供林丞差

排跂斯翼

臣于敏中

御製控掣抹之陟雙撐千尺木直拽三丈繩如虹拖碧落

不棧懸丹峻窮巔互榻度拓勢么弦拊腔遲秋簞

哨

臣劉綸

拍急臘鼓鑿居然謝梯筏詎爾忘淵冰臨

厓送者返

臣于敏中

御製拔宅仙乎登發地上累足凌空息撫膺奇趨忽百出

邪許時一謦布武失偏仄振臂誇俊燈鞠效秦贅

脰

臣劉綸

擔匪虞卿簷低腰宛舞女合掌俄枯僧跡

絕邯鄲學

臣于敏中

御製意會痾僂承履銅取滑細著屐寧憇兢屏營無二慮

揅拄惟兩肱絲曳蜺立顫角挂矜睡曹竿頭詣成

進

臣劉綸

繫表神來騰迴旋轆轤軸盤辟浮圖層亭

亭詔閭闔

臣于敏中

御製軒軒棲觚棱瞥下儼跨馬虛躍似翻鷹安其危永吉

動亦定乃凝叱陋九折坂抽嬾三釋拥佛跏趺帖

結

臣劉綸

禹步蹒跚仍綳殊孩兒倒牽詫傀儡興爪

攫鸚在架

臣于敏中

御製尾掉魚離習目正徑無險心卑高可乘木雞差足擬

磨蟻猶難勝初虞引髮重轉喜絮卵增達中或重

繭

臣劉綸

棘端孰鋪毳磬折筍虞絳蓬轉飈車凌奄

馳蒲雲驥

臣于敏中

御製將徙培風鵬諷元徒傳藻賦張真究升蹁躑有餘暇

予鮮後懲情移禦寇善力靡偃師憎却行退宋

鷁

臣劉綸

縮守黏曹蠅進止自栩栩視聽交藹藹拔

河鬬謾騁

臣于敏中

御製

胃索走妄詭旁觀駭汗致孤翹壯心憑教猱猱遜捷

憐夔夔敢於方外遊殆庶域中見何曾巧習履而

泰

臣劉綸

道藝貞以恒眴晒石火幟機鄙扶風絙文

問新誌備

臣于敏中

御製

幻人前事徵列覩俾愜衆論賞聊勸能行慶輯戎索

熙春和氣烝

曹知白溪山平遠

白水蒼山峙且流人惟蘊藉筆清道畫宗誰辨師馮覲
詩意偏欣寫陸游

燕九日作

排日元宵節物憑倏臨燕九隙駒仍水光已泮綠頭鴨
樓影猶懸藍尾燈也覺動餘歸靜好因知鬧不及閒恒
荒唐那問神仙事二典三謨信可徵

大學士史貽直八十壽辰詩以賜之

皤皤黃閣領朝裾矍鑠聯行尚弼予

大學士來保今年八十一歲

前

度庚辰淡墨榜兩看辛巳幹金書滿千卷似沈

麟士

抄罷

開八秩過白注餘聲望老成需贊治名高漫即擬懸車

郭畀雲海圖

京口茅堂住幾年煙雲供養領江天淋漓戲寫綢繆狀
不許黃山景占全

摘梅成詠

溫室綻盆梅載陽望昭蘇得地復乘氣語云栽者扶蓓
蕾纈嫩條纍纍如貫珠中人喜其穎那肯輕修除葩放
薦無神胎含礙難舒大半黏枝間鬱鬱惟待枯是謂傷
太盛盈虛理非誣況與不盛同酌治寧可無乘閒為採
摘愛較姑息殊堆盤發芬馨在樹迴芳腴一舉而兩得
孰云匪清娛

題橫雲堂

穿池出餘土為山凡幾簣事半得倍功軒堂因迴置雖

無九仞高頗有橫雲致西峯近在望映帶嵐靄氣既愜
昭曠觀兼饒窈窕意八伯彼休進膚寸吾恒思崇朝為
春霖利農斯上瑞

石帆室

峯如倒插室如浮便擬稱帆恰當不憶似田盤精舍裏
石林雲海泛虛舟

翼翠亭

園林無真山假山古即真是處頗峭舊老松况作鱗一

笠棲其上翼然俯嶙峋翠雨落天花不藉天女紛意在
山水間畢緬歐陽文

趙孟頫墨蘭

幽蘭野荆伍那礙王香展道人豈浪為寓義固不淺

新春萬壽山

節過燕九早收燈取暇名山悅可憑仰察峯頭無積雪
俯觀池面有消冰柳絲桃朶雖差未煙意波容已絕勝
便使韶光一齊發對時摘藻我猶能

構虛軒有會

山陽凍解山陰凍位置陰陽天地心寒暑相催又成歲
去來無定孰而今為軒因迴楚望愜得句構虛義象吟
變動不居真視此丁將軍注底須尋

延綠室

對山書室稱延綠常向層峯芒幌開今日漫嫌螺黛淺
韶光衮衮會須來

昆明湖泛舟

載陽冰泮水生波桂棹沿尋景若何鳬鴈翱翔多樂意
不施矰繳取頭鵝

初生春水綠如油隄柳含風意已柔耕織圖邊過畫舫
一年民務塵從頭

優霑臘雪春泉旺潄蓄昆明資灌田農畯林丞今見慣
更無浮議倡如前

欲下鷗鳬意尚猜半湖水結半湖開六橋畔已煙光好
便擬鳴榔一溯洄

題沈周臨王蒙松陰高士圖即用其韻

松下科頭清且閒
蕭然舉眼見蒼山
石田頗習青蓮法
可向楞嚴辨八還

題玉鏤小屏

盈寸玉為屏
玉人偃若生
指顧溪橋畔
江山不盡情

抒藻軒

蒼芳書院裏
書室饜飫優游皆合宜
水態山容伴靜憩
禮園義圃引清思
即看韶景成章處
可識天工抒藻時

緋几閒吟那更藉象陳无妄是吾師

湛碧軒

初生水色綠於筠靜斂東風不作淪自是春光還改故
那能人意免歡新

澹懷堂

閑致動無已澹斯靜有餘雖云互消息可以悟忙徐帶
水惟澄澈襟襟林既朗虛寧教俗慮染似與善人居彥輔
韻如彼孔明語起予明茲沖漠志籌治企還初

韻泉書屋

疊石引平流書齋築上頭布茵剛十笏隱几似三秋不
約宮商調堪觀起滅漚底須谷簾側方合著詩留

題陸廣山水

曲折江村儘可居山蒼如亦水澄如幽人罷釣挈舟返
彈鋏寧須嘆乏魚

紫碧山房題句

山房卜築已多年雲構恒瞻

聖藻懸卓爾仰懷

仁者樂佳哉常契畫中禪趙家粉本饒仙趣陶氏清辭
無俗緣最愛夕陽西下際鶴林高致會當前

含清閣

石洞出窻窳水閣俯空澄雲漿餐沆瀣風物披華清會
心豈必遠咫尺期蓬瀛羨門如可友吾弗藉文成

納翠軒得句

十笏不為仄諸峯無盡奇窓稜惟秀色畫格是神姿
十

蓊夫何有鬱蔥常若斯設將擬芥子納千百須彌

題豐樂軒

文軒額取郭橐傳學圃因之亦課田欲阜吾民無別術
虔恭一意为祈年

石帆室

寧須五兩始飄揚容裔摩空幾幅張詎必賦吳將志越
已看引漢更牽湘驚濤駭浪曾何有抹月批風是所常
無恙迴懸雲海濶祇疑牛渚泛仙航

黃公望山水

山峙水流化機觸目成吟妙旨設非畫中有詩何以率
然能爾

新春玉泉山即事

排日燈宵慶賞闌水源新歲暇來觀故知駒影曾無住
却喜韶光已露端魚陟蟲蟬化機肖泉流山峙太清寬
對時育物惟吾責敢恣嬉遊忽治安

華滋館即景

艤棹步芸齋琴書總暢懷詩題宿年詠畫景稚春皆不
變蒼松色初生綠草芳華滋雖少遲去聲蘊釀已堪佳

竹鑪山房品茶

春泉近汲山房小試鑪妥甌香火候猶須文武邦權寧
外弛張

登玉峯定光塔

浮玉規模矗七層新春拾級望春登含煙柳已輕黃染
消雪山將嫩綠凝視遠明惟暢心目為高因必在丘陵

子輿真是能言者政法先王並戒兢

妙高室得句

丈室堵波側揣稱額妙高臺如浮玉上峯似比丘遨縱
目契真宰因心得靜陶名言憶陸西員籌治敢辭勞

盛懋溪山窈窕圖

雲棧盤紆石澗潺旅人驢背問津關竹樓却有幽居者
窈窕溪山鎮日閒

倚虹堂作

經筵祈

社例還宮路右傳餐憩倚虹修飾預茲供

大慶

升恒無不效來同初生河水今年盛便望春膏四野通
屢歲壁題抒興別那殊一意祝綏豐

正月晦日瀛臺即目

燈夕林園慶齊成明禋典學要躬行駕言用返中宸禁
路便聊遊西苑瀛消雪樹根白餘潤向陽苔色綠生榮

景龍往事無須述風物含韶獨暢情

鏡清齋作

冰蓋鏡之靜照物每呈象叶水蓋鏡之動既照還滌盪

是時春水生容裔澄而朗可因悟代謝無不欣俯仰書

齋展易讀動靜茲交養

積水潭滙通祠

瀦蓄長流濟大通

通路轉漕藉玉泉引流滙濟是潭在都城西北隅入皇城為太液池東南

出經大通橋為運河以歲久淤墊命重加挑濬並葺新舊祠名曰滙通

澄潭積水映遙空

為關溯澗應垂制

河流分牖灌輸紆餘瀝蓄前人經理實善旗民夾岸而居人煙輻輳因築

牆為之限制

因葺崇祠喜畢工海寺月橋率難考燈船

以禁汙穢

歌館漫教同

是潭為前明遊讌之所見日下舊聞

紀吟權當留碑記殷鑒

恒深惕若衷

仲春經筵

和凝風日仲春初廣殿文華敞碧疏經解傳詮闡要道
衣寬帶博戒虛車人倫物理行仁義巽養震為濟疾徐

是日書義舜明於庶物四句經義益動而巽二句

詎曰年年遵典故化民成俗

目蒿子

微雨

二月初
四日

微雨入黃昏
油雲低復屯
當春滋地氣
為澤即

天恩砌下土
香發堂坳水
意存言泉那
可闕真是滌
心源

文伯仁聽雨樓圖

樹色陰沈水
漲溝高人息
偃在書樓雨
為時也抑為
潦聽者欣乎
或者愁遮莫
閒庭空立鶴
依稀遠浦有
歸舟

便教雲脚全收去，點滴簷簷卒未休。

西直門外作

右社修禊返御林，詢安

膝下展顙心，纔經數日春光好，更喜一天朝靄沈。
灑露麥針齊，貫玉冒煙柳線軟，搖金土膏令歲真。
濡潤舉趾乘時慰實深。

山桃花

數日宮庭有事居，御園春色已怡如。
山桃似妬江梅早

吐藥彈苞二月初

臘雪春膏信美哉巖凹水際一時開
東皇頭踏綏山是那藉催花御史來

恭奉

皇太后謁

泰陵因至五臺瞻禮卜吉起程得詩八韻

有序

葱嶺風清羣品咸占巳盛

萱庭日永大年適會辛穰于時春露緬

丹丘啟吉行之五十晨暉依紺宇綿

長紀乎億千傍

輦青回仲月釐年並茁前旌翠重上旬霽霖初收城南

碣表雙趺庶以酬庸承

祖德路右峯開一幰更因增奠祝

慈釐信是神皋式展芳辰之蠲滌無非佛國言皈寶界
之清涼既典協於觀民亦

恩推於給復行見迎門香案篆碧家家兼聞擁路花帘

膳黃處處

啓蹕仲春天謁

陵

懿旨宣未行週十載先

叩合今年

辛未
奉謁

聖母六旬大慶亦恭
陵逮今又歷十年矣豈不勞

躬慮由來養

志先順程佛域禮藉祝

睿齡綿是日

金根奉沿途雲館便渾河方灑灑宿麥已芊芊申命驅
馳禁茲為餅餌緣省耕吾要務施惠例依前

過盧溝橋

今年凌汛無積冰潛融默化渾流平司事額手慶佳瑞
斯偶然也何足稱橋上無修防亦不見遷徙橋下慎修
防自茲多事矣卅年下口已四更無已救弊疏其尾云
斯可以延卅年三十年後將誰諉嗚呼神禹已去幾千
載補苴罅漏而已耳

良鄉行宮晚坐

昨日風吹雲不散今朝風息雲仍生
土膏脉動春燠沐沿途鋪翠來牟萌
雨斯益善否亦可望蜀未免人常情
樸宇瀟灑宜靜憩甌香研淨窓復明
往來歲久題句徧不殊一念籌農耕

見新耕者

臘雪優霑土脉滋欣看舉趾不違時
春生夏長秋收穫塵慮方長今始之

勒轡因成駐馬觀省耕底藉有司官祝

釐排當無須亟

地方大吏以今年值

聖母七旬大

慶擬於

展謁禮成備燈火供

懿賞以節過上元諭止其或就

寺宇誦經祝壽者仍聽之

見此真教博

懿歡

趁潤郊原力作齊上農夫實可憐兮英英雲已西峯巖
為籲時膏足一犁

秋麥蔥蔥翠色均春郊播穀出耕人無非衣食根源計
蹂躪嚴防申命頻

直隸總督方觀承奏報易州諸處得雨

細雨前朝勢欠酣却看雲氣重西南果然扶寸霑諸處
且待芳郊驗六驂應是

鼎湖敷澤愷至今擊壤憶

恩覃為君難永膺

先訓上理未臻用怵慚

半壁店口號

一水彎環野店前揣稱亦自有由然公孫曾論臧三耳

欽定四庫全書
卷十一
半壁原來不礙全

曉行

夜報天晴曉復陰
輕輿熟路不須尋
晨涼左近知霜澤
慰望難為此際心

車載駝馱沿路見
前途趨早各爭為
設加督課翻居後
可使由之意若斯

秋澗村晚坐

常歲越此宿為近
一日程今年奉

慈輦按頓弗遠行恐防

起居勞晨征卓午停兀坐渺予望後日方謁

陵

過易州

趙燕易土幾人知州志真訛各半之尚說飛狐為外險
覃然今日更防誰

沃野分流易水三灌田葺屋學江南農斯勤矣桑猶未
何不長官教育蠶

顏垣敗壘動經過撫蹟流傳大半訛漢晉猶差劇戰國
爾時黎庶奈生何

前朝報雨介然疑今日憑輿歷閱之路不生塵麥隴潤
欣然有喜萬民知

永慕齋壘舊作韻

行齋比歲一來居稍慰予心更怒予猶覺嶺雲遮浩浩
那能莊夢穩蘧蘧越疊此日敬勤實恐致

當年付託虛厄魯于闐都扈蹕幸蒙

恩庇總消除

黃金臺再用沈德潛韻

燕昭市駿骨四處紀金臺

都城定興文肅易州皆載有金臺而李善引上谷圖經云

臺在易水東南則易州似為可據

定論曾誰是真賢可致來無過策士

聚安得治功開欲笑先生郭徒稱辯給才

恭謁

秦陵感成長句

秋霜春露又週旋一酹

隆恩一愴然預叩

七旬愛

任日未盈

六袞痛

堯年承平蒙業惟休養遺大投艱益惕乾詎此久延終
復去心焉回睠

白雲邊

謁

陵禮畢載啟西巡瞻彼臺山祝茲

介祉後作祇言慶典前途况值甘膏

巡鑾載啟指清涼

七表方開慶典彰

聖母自然無量壽文殊已放大祥光試看灑道甘膏霈
可卜如山

寶算長下隰高原同力作

天恩誠感益誠覆

雨

二月十四日

春雲時散復時凝
詰旦霏微勢漸增
扶寸已霑又蒙澤
為茲兆庶喜難勝

飛章京尹報京都
屬縣時膏或有無

是日府尹熊學鵬等奏到初九日先

經得兩州縣有涿薊香河諸屬冷彌望同雲甚偏京師內外諒邀均被也

東望雲容今較重

可能普被塵懷吾

清晨啓蹕卓午駐密灑徐飛
看沿路扶犁叱犢聲似疾
却是好音知喜處

流愷敷和春仲時苗芄長畝卉榮枝人之心一小天地
那不油然而意蕊滋

易州四賢祠

市駿延來四俊臣勝東齊尚懼西秦獨留報惠王書耳
古道依稀在此人

降旨免經過州縣賦稅詩以誌事

歲歲秋獮狩北縣經來往賦率免十三此例宜循倣西
巡越十載祝

釐匪遊賞吾民待澤久可不副所仰北直及西晉一視
無偏向叶除道雖給值於恩合推廣如前免正供惠務
周鄉黨被災者更艱是吾關恫痒弗以茲例概加恤待
詳訪叶

駐蹕行營

蹕啟西巡路頓臨南嚮營幔城遵舊制帳殿適移行多
在春秋序常聯中外情如云事安逸豈似禁林清

荆軻城雜詠

披薄風煙見故城依然山峻復泉清
燕顛秦蹟千年後
剩得虛名說慶卿

持短入長膚不撓怯於小侮始人豪
目之蓋聶叱句踐
祇合無言嘿以逃

狗屠與友友田光壯士所為曷有常
襍席一朝論神勇
夏扶宋意總非強

上舍居之號上卿進肝斷手太非情
可能刼得秦王未
衍水禍由自速成

曉煙

曉煙欲泮復重凝
歷覽憑輿實絕勝
連隴麥花綠新濯
依山雲蒼白徐升
輕塵不上鳴鳶旆
過雨齊看叱犢塍
潤溽雅如江國景
軒飛逸興到金陵


長城

易水東流此屈經
巍然榛阜尚城形
古稱燕趙分疆處
割據當時太不寧

野流

野流自西來沙汀涵白芷嚮道稱沙河蓋據所見耳過
橋問村民右云實易水左云號軍營何代此築壘一溪
凡三名至竟誰真是蹶然會馬上千古率如此

御製詩三集卷十



總校官庶吉士臣侍朝

校對官編修臣閔惇大

騰錄監生臣任益春

欽定四庫全書薈要

集部

御製詩三集卷十一

二



詳校官原任編修臣徐立綱

欽定四庫全書薈要卷一萬三千四百四十


集部

御製詩三集卷十一

古今體一百二十一首

辛巳三

命直隸總督方觀承疏濬安國河詩以紀事

白楊嶺是為濡水源又名安國河迺縣志所傳舊

曾引其流直與北易連旁可資灌溉潤濟萬頃田歲久
溝堰廢入沙滲以乾惜哉自然利乃致虛棄捐大吏重
農務備患騰章言凡事在人為是宜急勉旃堰以遏泛

溫溝以疏行川帑項非所靳艱食謀民天行省畎澮通
萬姓歌逢年

花朝

御苑山桃發早知春事歸陌花雖覺未節物豈相違幅
不掛紅樹犁爭出綠畿經行多樂意詎為賞芳菲

賜直隸總督方觀成及屬吏宴

蹕路日勤劬良辰賜燕娛

是日
花朝

底須稱負弩適可飫中

厨膏雨欣霑野油雲更覆衢省耕正茲候莫祇效前驅

題文嘉梅花小幅疊舊作韻

常舒常韻復常香者箇梅真白玉堂
迴望盈叢還致笑可曾一例引蜂黃

適見山桃也自姿却饒火氣與塵肌
展看始覺真花在黃鶴樓中任笛吹

隨行北塞與南江風滿羶庭月滿窓
詎為目謀清賞足十分生意養於腔

拂廬虛牖向南開正好三清試茗杯
忽見一枝疎影動

訝如巡蹕到吳來

日日

日日迎鑾民袞袞加於前較之近畿路不啻倍蓰焉此
理亦易知彼乃常經便十歲茲一過固當覲光駢習故
視如常驚新喜必然弼爾惕為政或懈於初年

趙簡子祠

廣樂鈞天語太奇常山藏寶蓄深思祇伊諤諤懷周舍
却合千秋尸祝之

題北平侯廟

直道民行三代斯北平主計至今祠賈生見絀公孫退
却忘王陵解難時

曉行即景

連日春陰不放晴伊祁薈蔚又雲生麥塍廿里翠如洗
大似丹徒道上行

青蒲白芷一溪斜村外盈盈見杏花韶令較於走馬疾
可憐春郟更須賒

村民瞻就遍郊垌每問春耕轡為停去歲逢收衣食足
幸無鵠面與鳩形

春山雲出意為遲雲隱山容望復疑一晌停鞭生妙解
畫家活法蓋如斯

過堯城村

祁山隆隆祁水源輕輿重過堯城村三王猶未敢五帝
十六字却恒思存村民鞠脛路旁跪叶朝饔夕飧詢次
第尚以堯心為己心越教禹愧增吾愧

杏

隴首初看一樹榮似梅所欠十分清
神仙還得神仙骨
那見凡儕到玉京

唐縣懷古

萬年祠宇溯初封並祀光華協帝重
風雨晦明神近接
危微精一法開宗望山南北傳徒舛
滄水東西辨底庸
魏蕩仰欽太古象三王五霸渺春冬

十歲

十歲纔成童二十已生子五十半百人六十斯老矣十年一來巡見者即如此其間堂堂過所得究何是誰云如白駒甚於白駒駛

曲逆故城

關氏奇計出平城薄陋由來有定評却得酬勳因解難壯哉曲逆賜陳平

王呂詭隨羽翼增仍騰巧語勝王陵娥姁已死軍左袒待此安劉孰不能

聞京師得雨誌喜

驛路傳佳信，京畿雨亦霑。
雖云澤扶寸，正接氣蘇潛。
新種潤孚甲，宿苗長助尖。
春雲復興矣，再霑定何嫌。

雨

二月十七日

邇日春雲每作陰，
延賊冀再霑甘霖。
已佳迺更不知足，
自解無非望歲心。

過午駐蹕雲勢濃，
始以霏微漸春容。
隨風入夕潛潤物，
明朝霑否詢良農。

帳殿淋淋聽枕邊挈壺屢問那成眠年來蓋不多逢此
自顧何脩勵惕然

疎密通宵無間作氤氲傍曉乃徐停土香氣潤遲行馬
麥坂迎眸更濯青

靈濟祠疊舊作韻

鬢剔唐河水疏通廣利渠惟勤溝澮計庶獲井閭舒作
乂民其莫稱功我豈居祠旁精室潔清憩駐鑾餘

廣利渠

高氏疏源遠

乙丑允督臣高斌奏疏濬是渠發源山西靈丘下達波泊資灌溉者千里而達為利

實廣工成因錫是名

中山敷澤均不辭費國帑所冀利農民數縣

資澆溉一渠繞隰畛經營知本務尚爾憶前人

題愜適齋

靈濟崇祠廣利

渠名

濱祠旁精舍樸而淳重來了識還依

舊小憩偏欣迴出塵山勢自成前障畫杏花原是昔塗
春與題七字片時去不負十年一度巡

秀木軒作

前後三間屋一區兩得名愛茲饒秀木真覺稱幽情古
辟昔年句春禽今日聲犁然原不隔小坐又成行

河南巡撫吳達善奏報得雨

從來豫省麥為秋臘雪嫌微早厘愁優被春耕兼不悞
擘書欣展兩眉頭

命董邦達圖葛洪山因題句

若澄粉本忘攜來

庚午西巡曾命張若澄圖此山

馬上看山實壯哉過

未現三齊置却會心生面試重開

稚川仙跡本無定志乘何須辨假真却笑箇中誇老手
翻成居上後來人

村行

村行問農夫一稱雨四指少行更問一曰潤三寸耳徹
夜疎復密廉纖實未止曉來登長途已作泥濘矣少言
足五寸農言胡乃爾莫知苗之碩諺語洵至理

復雨

豈有春霖似夏霖達晨少間復濃陰溟濛千嶂棼絲落

曲折一溪漲玉深那更農夫怨未渥何辭僕役冒頻淋
既沾既足叨

天貺益感益欣最益欽

山東巡撫阿爾泰奏報得雨

同時三省均霑澤

初九日之雨直隸河南山東均被渥澤今陸續皆奏到

慶慰難

為此際情資始春耕及秋獲益深戒滿與持盈

題仇英水仙臘梅小幅疊舊韻

小幅攜將秘笈中不疑色相未相融楚荆屈子長沙賈

恰稱龍門合傳同

玉質標來宜近水
金相放處正衝寒
瓊廬試展香盈室
那藉尋常睡鴨蘭

各具風流正何礙
相投氣味本來宜
却如巡到西湖上
水渚山凹屢見之

墨林曾見畫圖親
此作偏宜贈此人
題罷偶懷賡韻者
庚午命和韻跋左右方者汪由敦劉綸二人而由敦物故今已闕四載矣
當前如幻悟根塵

降旨免宣化府屬民欠詩以誌事

經過數州縣去歲均有秋賦已免十三無可恩施優或偶
被災者鑾輅所弗由未免懷向隅亦吾所屢憂因命彼方
伯詳察有此不乃知上谷郡山田近邊郵氣寒霜降早以
此常歎收借穀及正賦頗致負欠留降旨酌豁除元氣與
養休官吏免叅罰黎庶逭督求努力勤耕耘足爾衣食謀

雪

二月十九日

入山氣冷雨為雪著地消融原利農只有最高偏好看
皚皚玉積兩三峯

泛泛滇滇拂蹕旌杏林開處認梅坪道場知近文殊境
故散天花載道迎

雪與清涼有夙期丙寅庚午兩留詩西來迎蹕人傳說

鎮海寺前如昔時

前兩度至五臺一命張若靄圖鎮海寺雪景一命其弟若澄圖之

剪水鏤冰卒未休山田過冷恐傷牟三春竟有望晴事
患失無厭我尚猶

人情率筆

昨日問雨勢畧興稱大矣今日問雪勢稍徐早報止人

情鮮定論惟視吾所喜知此而不懼是誠愚者耳

寄題水竇巖

水竇由來竇浮休豈有休宋臣茲偶偈金帝昔曾遊
鵠爾筌蹄會無過名字留寄題聊托興不必遠鳴騶

停蹕

吉行五十里僕役詎臻勞為是雨優極因之路寧遭不
妨停一蹕已覺喜羣曹羶屋聊清暇摘詞適靜陶

率言

吉行五十師三十於吉實可師不可日中必蕞操刀割
師之寢戒逍遙坐設如敵在六十里守不兼程敵颺果
盡信書乃不如無紙上談兵古實黜

命人視唐縣雨既霑足雪亦未積詩以誌慰

山中玉積列峯看腹裏遙虞氣變寒遣視雪無稱雨渥
欣然迴望頓心寬

三日春霖得鮮逢春容漸清霽恩濃前朝怨未優霑者
爾更何辭不劬農

直隸總督方觀承奏報保陽一帶均霑膏澤既深
慶慰益戒滿盈

去歲春膏已孔嘉今春嘉較舊年加竟逢一尺霑高下
豈有三朝遍邇遐實覺德涼詎昭假獨蒙

恩厚敢矜誇耕無慮矣收方遠益勵持盈望戒奢

晴

一雨連三日當春乃盼晴既欣利田務兼不悞途行那
有紅塵起惟看綠麥萌潏然滋濕潤山縣似江城

普佑寺

遙見屏山松蔚然祇園步入禮青蓮禪房竭爾成清憩
瞥眼流陰閱十年

世尊頂相合虛空如是聊標丈六躬莫以世間繩尺度
無邊竹杖度還窮

阜平縣

山城春靄低埤垧倚巖棲戶較前巡庶農興此日齊弦
歌聞縱未禮義化應提百里知斯者休輕擬割鷄

錢汝誠錄西巡舊作小冊以進口號調之

汝誠此意我先知正是催詩非錄詩庚午數過丙寅倍
丙寅冊得詩八十七首庚午計得至一百八十九首茲行亦不欲減其數也倍斯何必可虛

其

水源

水源纔涓涓匯流成大川金人背有銘樞機應慎旃

仄徑

仄徑峯迴路轉流溪石絡林紆大似河陽郭氏關山行

旅之圖

京師奏報得雨誌喜

小霑稱慰優霑喜三日春霖望外濃
受益惟謙滿招損為茲怵惕勵寅恭

阜平道中作

雪後山峯羣積玉雨餘溪水亂鳴琴
已霑邯鄲更生奢望却見春雲又作陰

大派隆崇小派

二山名

連千溪縈繆滙成川棗林之下溝

渠引時有村民藉灌田

十年一度過巡驂撲素民風尚所諳
野老攜兒擎薤獻訝如任氏悟龐參

潤浥春烟冒柳絲寒山道景若為移
鳴鞭緩度犁雲嶺恰喜興犁正及時

題董邦達山水小幅

雨後春山

春山過雨濃濕翠蔚重重非闕出想像
目擊寫真容

石壁飛泉

阜平水簾洞路遙未遊目石壁善爭長雨後都懸瀑

岸柳迴風

岸柳牽柔絲昨黃今綠披鼓盪伊誰力封家十八姨

雲嵐蕭寺

給園棲翠微僧去白雲歸借問誰殊勝一龕花雨霏

村舍朝煙

炊煙出野店彷彿粥香聞二驢幸無缺觀民意為欣

秀嶺羣松

埤塢復傑池春來翠色滋
昨過普佑寺屏山見若斯

石屏疊翠

春煙歛秀峯濯濯玉芙蓉
阿那茅堂下畸人可或逢

關山霽雪

一谷喜新晴林端積素明
渲刷傳神韻不孤扈蹕行

招提寺

已近招提境先憩招提寺
春雲無定態巖松多古意
今

昔了不殊縈薄天花墜山僧罷言禪却占第一義

三箭山再疊舊作韻

詰戎

懿訓夙聰聞親仰

神弧領顧羣

聖蹟重茲溯三箭

天威久已伏諸軍依然路側瓊崖矗想像峯巔鶚羽分
此日繼繩惟已責瞠乎總覺望

如雲

益壽菴

平陵柰苑據崔嵬跋馬聊停適可哉
最喜菴名稱益壽
此行本為祝

釐來

龍泉關三依

皇祖元韻

當年燕晉界割據蹟成空來往一家內
豫遊

昔日同嶺雲無改白隴杏欲舒紅正是省耕候民依咨
度中

雪中度長城嶺

三度五臺三度雪名山靈應真殊絕濛濛或或無定形
迴薄林巒噴玉屑入雲那見向來蹊馬踏冰花不作泥
盤盤磴道徐策騎已厘吏役勞剗治低飛亂灑皆入畫
衝烟越嶺真宜詩我無文殊平等智霑衣壓帽夫豈辭

射虎川

西來

聖蹟仰依前嶺谷重經射虎川榛薄鼠如真不啻寺樓

麟植尚居然

至今其虎尚植置臺懷寺中

三驅弧矢罷平野

承平日久墜關

率無隙地不似康熙初年此地尚有野獸可行圍也

萬戶耕桑遍大田稍可弗孤

前烈者秋圍一試示于闐

去秋木蘭行圍嘗一日射殪二虎時回部郡王霍集斯等

及哈薩克赴謁陪

臣並扈從與觀

臺麓寺

山寺臺之麓襟溪復帶峯前三正如是不二即真宗春

色那藏杏禪心且付松長城嶺迴望嵐靄蔚重重

題靜寄齋

麓寺旁精舍三間無取寬清宵堪託宿颯景不妨寒

省多人力欣茲容膝安

向幸五臺皆駐行營馱載過長城弱為勞茲於寺旁精舍駐宿

一夕實省衆力
因題曰靜寄齋

松巖皴積雪靜寄恆澄觀

白雲寺

春雲出谷如流十年一度來遊底識蜂臺殊勝今朝名

實兼收

跋馬

跋馬臺山路綏綏雨雪濛凍凝蹕未寧旭隱不為烘慮
恐寒過甚如云景寂工輕輿寧弗逸欲與衆人同

雪中過鎮海寺未入

巖寺從來雪景宜今朝如約畫情披

丙寅庫午兩度皆
遇雪並命侍臣圖

之何須更問石欄逕海印發光按指時

自長城嶺至臺懷再依

皇祖元韻

西巡第三度山川了不殊計里宿所患底須問路衢長
城背指嶺臺懷面循途此是清涼境奚事警蹕呼梵僧
迎我來饒鼓雜螺竽無耳亦無聲試忝誰為娛虛殿禮
古佛招提散步紆不悟慈悲源安知超度區庭栢翠而
靜山花妍且都將以祝
遐齡即是

萬壽圖可用罷南巡况因靈潦濡

今春將奉
南巡以去秋

高竇

安輿
下

游數邑被水因傳諭暫停遊

鼓音詣臺山瞻禮祝延

愛民延禧本

慈訓申懿模至矣敢不遵欽哉奉三無

清涼山三依

皇祖元韻

歷歷前巡是舊踪依然澗水與巖松未忘者箇擬乎地
且聽七條披以鐘一念祝

釐算期永萬幾繩

武韻賡重追從有願吾惟忭

聖度崇於叶斗峯

殊像寺

是像即非像文殊特地殊毫端寶王刹鏡裏焰光珠法
雨滄桑潤梵雲朝暮圖高山仰止近屏氣步霄衢

五臺山天花詩再依

皇祖元韻

延齡仙茵劖崖青仇十洲曾圖作屏垣埴前身定何物
一株古栢是青寧

靈鷲峯文殊寺再依

皇祖元韻

雲邊看寺迥雪裏聽螺遙
忽爾到香界居然憩法寮
禪杖無處住梵唄靜中飄
欲覓

堯年句煙蘿隱翠椒

題雨花堂

祝

釐恒此奉

慈闈不日成之難重違

去歲冬月降旨西巡撫臣郭
與地方吏即葺築行宮數宇以

備 慈寧燕息因事已成且省馭載 冬令特奇三月
故許之 茲來駐蹕爰名其堂曰雨花

暖

五臺最寒地九月即冰去歲三冬
暄暖異常工作不悞皆以為奇

今來還見六花飛

三度來此
皆遇雪

緊予寧可逸為務勞彼都標靜者機巖嶺節

林誰弗著欲因師利悟依稀

喜晴

春來頻有喜晴詩益喜春膏渥可知盡歛霏霰和旭朗
千巒畫景座前披

戲題寶塔院

相傳藏佛舍
利及丈殊髮

聲求色見總邪談安得文殊髮弄龕試看眉毛翠巖在
春來依舊綠鬢髮

顯通寺即事

有伽精藍靈鷲前大孚猶憶永平年域中佛法最初地
院外春光二月天回祿似觀成壞相維新仍列象龍筵

閣黎冀施

二皆去聲

教先施不戒當勤種福田

寺僧不戒於火以致回祿

命以寺資重修葺之其不足者猶為補助不費民
力也而僧人以費已遺未免不滿所望故戲及之

羅暉寺

菴羅園據畝平巔雪後春光靜處妍一任安名還立字
文殊不二祇如然

跋馬至黛螺頂

螺頂不為高積雪路頗滑策我雲錦騅

馬名

遂至金輪刹

獅王坐堂堂黛髻足底齧莫作顛倒會十六本二八

賜山西巡撫鄂弼

旬宣此初任嘉爾副予望出政宜除細移風在獎良公
為衆官表儉是晉民長保障休輕視家聲最繼芳

祇林

祇林無數名山占或煥莊嚴或廢墮若論化身千百億
聲求色見總虛為

壽寧寺

崖路入松青給園峯作屏金人無量壽都以祝
慈寧

玉華池

乳竇泠泠巖半淙古松千尺布陰濃前朝六出來何自

可識天池是所從

羅漢坪

昔聞臺山蹟五百應真過其來夫何自其去又向那至
今傳此坪花宮據巖阿中坐人天師應真圓駢羅範鐵
各寫形神通不同科偏乃缺其一未至工傳訛不禁啞
然笑其然豈然呵峯樹及澗花孰非應真麼

文殊寺靜舍少憩

祇苑驚峯頂攀登片刻延真容佛光仰

相傳寺成時文殊現相同名真

容院斗室

御題懸

詩側靜舍
祖賜額曰斗室

皇

到處惟欽

聖無心更問禪
辟詩一再讀
俯仰緬流年

梵唄

人言梵唄原無解
會解翻嫌費譯思

楚語自天竺譯為
烏斯藏語即今唐

古忒也其地多喇嘛而蒙古等最重之以有寶藏故
亦習其語天竺語則不甚解然不出烏斯藏所譯也

剝盡蕉茅心莫得尋窮
鹿角夢方知全提可識
由來半

三點還他祇是

昔伊出
其典

咨汝衣黃偏袒輩
文殊成所

作奚為

真容院再題

調御威光赫畫工驚以退至今梅檀像曰就水中繪

出

典

而何彼曼殊全體現無晦安生肖真容見優聞如懷
恒此佳鷲峯法雨三千溉誰能悟同異欲與論觸背

閱武

巡狩奚先務惠民及詰戎文恬戒逸豫武閱簡驍雄

非操

陣簡旗兵及祿營
精者閱之而已

況此大梁野依然有禮風等差行賞

全
卷十一
編雖小必論功

曉山

曉山嵐氣凝旭影上峻嶒玉潤裴叔則冰清溫子昇雪
消溪水漲風定野煙澄觸目皆仙趣不孤紫府稱

甘露泉

一滴之露通蒼天一滴之水通黃泉徹上徹下本如是
何獨稱甘此漂然文殊問不二維摩默無語棲巖枕谷
剎若林安名立字乃爾許涓涓流作功德池五百應真

曾浴斯問誰是能誰是所泠泠澄照付不知

寄題北臺疊舊作北臺眺望恭依

皇祖元韻

叶斗昔曾到峯巔構梵宮擘雲天以外得路石之中省

後脩除罷

北臺地高峻脩治稍艱昨歲即飭有司不令預備以恤民力

寄題機象融

司空廿四品可似遠春蓬

高山遊目足豈必重

去聲

攀躋昨雪猶然積春雲況復低

事闕恤民力韻賡載

堯題不二

文殊法奚容擬議齊

直隸總督方觀承奏報保定等府得雨詩以誌慰
連日春陰雪山中氣已寒幸本不種麥澤潤資耕田却
繿緼輔地此心弗能寬披章乃大慰一犂均被旃其或
寸雪積晴旭融以暄來牟芄向榮黍稷播種全去歲已
大佳今春實勝焉稠疊受

天寵若驚勉惕乾

棲賢寺

尚有幽佳處乘閒一厯之居然皆佛土棲者曰賢誰學
固不同道境真可樂飢緇衣如詠什於此得無疑

鎮海寺即目

前朝冒雪未登臨今日春和試重尋不必升堂還入室
鐘聲早覺空去聲塵心

一溪流水沿洄落幾棧迴溪曲折躋除却雲棲上天竺
世間何處更堪齊

向來看寺原如畫此際分明畫裏人欲問陌頭凝望者
果真誰是主和賓

清涼石

清涼山裏清涼石恰似東坡鑿井泉白足僧人冀檀施
去聲鞠躬扛動表誠虔

明月池

花宮隱翠微雲衢入深邃春禽唱梵聲石泉洗塵意西
嶺跋馬返於焉可小憩明月在池無山僧難擬議

降旨免山西前歲民欠詩以誌事

省方所最重觀民及施惠茲來祝

慈壽實切敷恩意正賦免十三是蓋常行例更厯未經
處却幸豐昨歲朔上稽前年頗有被災地舊欠帑及粟
盡予豁免除暨其緩征正項十免三並逮申命守土臣旬
宣俾普被

迴鑾過白雲寺

雪中斯過晴斯返山色溪聲愜重

去聲

尋却是白雲占勝

義無心亦不曰無心

游千佛洞得古體四十韻

古洞西谷巔向未尋禪約不可更虛擲試一觀其竅初
從白雲寺右轉循蹊嶠谷口尚潤豁巖罅漸兀杲盤盤
厯羊腸如與峯雲拗陰崖水滑刺陽巖泥濘淖駕駘怯
鷺鴨駿驥騰鷹鷂蹣跚起復跌振迅立還踔直前乃逾
險顧旁每致媿馬亦視所御志定則弗搖咫尺有如茲
何況彼荒徼諸將成功迴扈蹕同歡笑蔥嶺雪途中嘉

爾丹誠效勞者我勿忘怠者我令劬肯因戢武時竟懈
詰戎要我乘錦雲騅穩於輕步轎身先有名言相如謾
致誚鐘聲聞已近奇峯益環抱叶乃知神明境不許人
輕造路轉忽得門矮屋低妨帽大似雲棲寺弗詡莊嚴
開拾級升其階三間峙古廟屏息瞻月相調御丈夫貌
稍西得北洞崕岬深窈窕毘盧坐堂堂蓮座千佛繞一
穴剛容人中有燈光耀云須秉虔誠入可聞天樂叶或
入迷故步懺悔始出窖一笑有是哉陷穽豈佛教精舍

在洞南憑軒暢遠眺下視向來路蠶叢如蜀道叶非經
爾許勞安得攬衆妙窓中含畫意眼底皆詩料插空刺
峻稜摩天聳羣峭野芳優曇馱山鳥命命叫蒼松張蓋
影碧泉奏琴調應接雖無暇而都歸靜照清涼設孤注
觀止於虞韶叶歸鞭不半時峪口倏已到進難退斯易
常情即理奧

臺麓寺

雪中宿去雪晴旋益喜山容翠且妍小憶前遭期後度

曼殊無語祇如然

湧泉寺

雪裏昨過未暇登言旋逕到禮金繩文殊相好本無垢
安得靈泉盥掌曾

見誌書

中北臺間志所傳今何臺麓更東邊
離五臺四十餘里從來紀述多訛舛我祇屏營叩法蓮

門外泠泠一水環禪房小座對青山徘徊未負前巡約
得許新詩適可還

過長城嶺

山嶺迴清蹕晉燕接壤間由來在一室奚用設重關地
吏自迎送材官喜往還雪消無凍滑澗水落潺湲

清明

野店亦清明紛紛雨纔

去聲

晴新煙迷遠驛潤土出深耕

山色較前染溪聲帶漲鳴杏花最知節一樹路旁榮

御製詩三集卷十一

欽定四庫全書薈要卷一萬三千四百四十一集部

御製詩三集卷十二

古今體一百十五首

辛巳四

三月朔日

境益陽和地

五臺在太行山陰地極冷
茲入直隸境日益向陽

春滋淡蕩時綠

烟柳條重紅雨杏花披忽過清明節行吟上巳詩川原
含潤意北直罕逢斯

山村二首

山村野叟踈途隅窳是常言窳慰吾百歲不知兵革事
鑿耕老幼樂于于

養老牌懸衣著黃

民年八十以上蒙恩詔賞賜者例著黃衣接駕並命內府製養老銀牌隨

路賞給示異數也

泥鑪門首炷名香取誠敬耳無他論益切吾

心懷保方

甘肅巡撫明德奏報得雪

二月十九雪數千里而遙偏南則霑雨齊豫歌渥饒近
北雨繼雪盈寸旋亦消甘撫今奏至同日六花飄西北

邊寒地本無秋麥苗此澤利春耕深慰吾望翹
天恩何脩得乾惕勵旰宵

水竇巖二絕句

東坡兩字偈浮休既解云休更底浮輸却水巖曾不語
巖常住即水常流

巖色水聲卒未休見聞寂即對如浮雲邊騁望坡仙峽
許小乘中第一流

阜平道中杏花三首

去時寒蕊始含苞
迴看新英綻樹梢
萬物形形還色色
不須觀象注義爻

隴首連林葩吐榮
澹烟微雨過清明
得教撲鼻香風拂
便擬靈巖山下行

詎必北方杏不嘉
開時常是溷塵沙
今春雨露真滋潤
請看於梅可大差

射

三藝重朝家
身先語足嘉
羣觀各知最
連中詎堪誇
漫

擬聊消暇因之早定遐文恬永為戒

天貺荷無涯

望柏巖山

獨行數息底為奇兩句三年巧太遲
欲問浪仙誠例此一生能得幾章詩

虬枝雖瘦有精神詩品居然為去聲寫真
當日不逢韓吏部祇今誰識柏巖人

箕山詠古

不受斯已耳耻逃失過清重華實受之何礙元德升武
仲自高人龍門傳矯情封墓配五嶽放勳千載稱表德
如是足不聞蒲輪徵後世謬效古迺有充隱名

懸懸村

古村經懸懸綠繞柳煙新過雨犁驅牯引泉塍灌鱗百
家有長者三代即斯民比戶香花接羽林不許嗔

上巳

被惡迎祥日輕煙澹靄時行程無楔事應節有新詩依

郭花光重連郊麥色滋趨臺脩凱宴忽作隔年思

去歲上巳

宴凱旋將士於瀛臺

王陵城

唐河岸側沛人城被困白登趣援兵開創猶餘百戰將
獨聞奇計出陳平

安徽巡撫常鈞奏報二月初九日雨詩以紀事

雨霑齊豫已為遥

見前詩

何幸安徽亦是朝麥菜定資抽

宿頤黍秔適可佈新苗奏書囊擘應知喜計里驅車那

覺迢稠疊

天恩今歲沐預占

慈慶介禧饒

至正定府駐蹕

春巡重此駐東垣疆政民風歷省存二黼養殮稍養給
十年生聚益滋繁迤西屏障圍恒麓直北共球拱薊門
高閣佛香應降祉南山祝

壽奉金根

正定隆興寺禮大佛疊舊作韻

無量壽如是我聞壽超一切兩足尊觀音是佛觀察智

是寺大佛實觀世音菩薩像也

大士願力稱普門曰一即二墮聖見不

如泯念禮法雲

慈寧今歲開七袞延

釐虔奉大安輪五臺謁曼殊室利如山如阜齊高旻寶
螺梵鼓已朗朗嵩呼華祝猶紘紘歲事和鈴指鉅鹿晉
山燕水行行分郡城至止駐翠輦分野昴畢月建辰離

宮瀟洒鹿苑側松窓綈几堪怡神處分幾務有餘暇問
安

萱祀康强身扶持瞻禮愜

懿願云同不可況異云箕子九疇猶有數數無量逾恒
沙塵以此介

壽合天下寧辭遠勞扈衛軍徘徊散步閱古蹟隋唐碑
碣前墀存却笑吾仍執名象幾曾佛法窺其真長歌一

再疊賡韻

丙寅西巡過此為長歌庚午巡幸中
州復禮大佛曾疊其韻今則再疊矣

嘒嘒詎

非逞辯論信宿明當返京國即今轉瞬還成陳勝地少
延固亦可恐妨耕稼時當春

正定行宮疊舊作韻

詩仍賡舊韻

丙寅初作庚午巳一疊韻

春恰值今年彈指視來去無

心問業緣聽經鵠雙下覓宿鳥相憐此際懷何託勤民
即契禪

閱兵

可百年不用當三春閱之亦稱貌及虎皆識鼓和旗在

事賞胥遍加恩旌獨竒狩巡茲正務豈為恣遊嬉

登廣惠寺塔

別致從竒花塔稱廡廊那泥

去聲

十三層雁王不異真如

性象教恒標竄上乘歷歷隋唐一彈指依依風月兩良
朋竭然題句竭然去付與初非識字僧

閱滹沱河言懷

丙寅冬臨茲芟犍籌防水庚午稍移南渡時為之喜

庚午

巡豫曾渡此河

今去城更遠計之以數里混流本無定讓地任

其徙隄不過衛城所幸乃在此黃河及渾河何不亦若是實又不可行無策愁曷已

曉行一首示直隸總督方觀承及其屬吏

曉行露濡麥野甸清無塵翻犁或未種聊問彼農民答言土尚乾雨方佈種均吁嗟有是哉不知苗碩真今春而謂旱良心乃何存猶然雨我田

皇天其實仁感此博施膏弗因一愚屯情農不暨作周書已具云勸劬在有司莫孤吾諭諄其或力不足資助

仍宜頻

雨

三月初七日

啟駕恒山曉尚晴
滋溪卓午蔚英英
雨佳不雨誠何礙
未免因之望又生

行營駐蹕雲容重
霖霖纔霏勢旋加
過未歷申踈復密
響聽布帳正清嘉

紅桃綠柳沐暝曠
今歲春光迴出奇
篇幅已多圖輟筆

庚午西巡詩數倍丙寅而美今來檢所得稿則句初已
溢於庚午前作催詩一調可謝不虛而旋蹕計日尚歲

正恐復
難已已

天公好雨又催詩

靈臺未柰一句節方伯早稱三寸滋嗟爾農人霑渥澤

不勤耕作更何辭

昨偶見已犁未種之畝詢之農人
猶云待雨故有不知苗碩真之句

雲雲入夕益飄蕭添得微涼天沈寥大野雲低難燭早

旃廬歌枕聽清宵

雖云泥濘却無塵潤浥芳菲最好春歌舞農夫喜行路
阿誰不是簞殮人

既優既渥既霑足誠感誠欣誠惕乾久讀虞書明損益
不欺人我敢欺

天

定州道中作

半夜雨纔晴朝曦馬上迎輕烟依樹歛濃露浥年萌歷
歲希逢澤大田都可耕春光鋪沃野歡喜自民情

衆春園襍詠疊舊作韻

前度十年庚午冬一彈指頃此重逢衆春雨後春光好

却愛蒼蒼百尺松

不作金椎和世光
隱於屠酒且徜徉

二句用東坡詩語

坡翁詠

古惟形已便
閱葆祠過步廊

措天下安不動
顏聲詩名付水雲
閒祇應並坐忘年友

尸祝千秋穩泰山

迤邐恒山北障圍
一卷何幸得天機
刻盈七字無多子
叫絕長吟興欲飛

青郊好雨一犁新
樹色花光總艷春
小憩芳園為農喜

片時得作覓題人

雪浪石五疊蘇軾韻

實所勝斯名所屯暫以屈亦久以尊此翁此石有如是
逢時辨底明與昏重來燕南趙北界了識明月清風村
韓園修葺復舊觀

後人移石置園
中有亭覆之

兩行垂柳青遮門松

軒瀟落可信宿牆外祠妥雙賢魂駐罕諸務則且置便
撫亭下青雲根歸然古貌故好在雪浪有號原無痕逮

茲蓋已六賡韻

丙寅冬西廵過此曾再疊東坡韻經命
張若靄董邦達各繪為圖又兩疊韻題

之庚午秋駐此復疊
其韻至今凡六廣韻
前席如共髯仙論孰謂中郎不可

得寧非對者石與盆七百餘年一瞬耳奚稱前詠碑間
存

疊蘇軾刻盆石詩韻

形而下者皆子孫何不歸一返厥原以水承石沃水翻
坡翁游戲至理存後人乃謂雪在盆孰得其膚孰得根
我來閱古偶復言所喜時雨歌元元

題雪浪齋

蘇韓蹟本不同處移彼就茲由後人我復題齋曰雪浪
率因撫石企先民當春郊景望無盡過雨花光覺有神
今日偶來明便去一卷聊識去來因

京師奏報得雨

間日閣章至京畿雨被咸如斯沐
天澤益切顧民茹即景欣既渥沿途課載芟實欽惠我
厚敢謂感

神誠

方順橋

一條古路兩旁溪萬樹輕楊十里齊方順橋頭迴望處
祇疑行過武林西

至保定臨漪亭行宮駐蹕

臨漪就古蹟鰲輦構新堂書閣鳴霜接府志鳴霜樓在城內花宮

靈雨旁在靈雨寺側寧惟容膝務敬念治民方今歲春耕好

因之慰入彊

靈雨寺

下馬先瞻禮
今春雨實靈
淨標蓮業白
嘉祐麥苗青
古樹當庭直
天花滿座馨
行齋依綠水
信宿合教停

舫室

舫室如浮座
俯河意欣共
不盡煙波米
家津逮稱書
畫畫格書程
兩遜他

幸蓮池書院疊舊作韻

蓮池古名蹟
志乘艷扶輿
葺新在後人
難言此不須
綴景既無盡
拓地頗有餘
因迴得高樓
䟽下為明湖
所志

在菁莪寧云狎鷗鳥五臺祝

釐返取道保陽俱郡城斯蒞止聊以憩車徒方伯請我
臨興賢其宜乎結構較前麗藻井倒植藻賈輔與郝經
曾此貽前模池蓮則尚未涿水立間鋤浴沂風舞雩意
趣了弗殊所願經學昌蔚蒸濟世儒

賦得濂溪樂處

得鮮字八韻
試蓮池書院士子題

養士期真士在蓮惟說蓮埴埏由茂叔光霽溯伊川是
地開書院明時育國賢盛名難副耳樂處可思焉必有

中通質寧誇貌飾妍亭亭常淨植濯濯自澄鮮澡浴芳型
近含咀雅化宣水華時尚早寄意賦斯篇

題蓮池書院十二景

春午坡

菁莪雅化闢蓮池秀障當門春午披漫愛牡丹花富貴
瀟溪愛處正宜思

萬卷樓

郝經賈輔蹟猶著九等五車事匪奇咨爾於中枕肸者

尊聞要在勉行知

花南研北草堂

別有平臺宛轉廊
緋桃絲柳艷韶光
若云不美清幽好
何必顏堂曰草堂

高芬閣

延樓連屬貯

義文相映罕愚瑞
色氲那更名言籍
司馬早應此閣號
高芬

宛虹亭

垂虹宛宛跨隄濱一笠橫空與半分却是清波無我見
亭橋入影總沄沄

鶴柴

祇宜古栢堪為柴也許潛魚可結鄰不必禽經徵故事
九皋深意緬風人

蕊幢精舍

此蓮池匪彼蓮池綴景聊觀精舍奇若論顧名思正義

藏經應效邨經為

藻泳樓

波漾風行鏡裏披青蒲白芷畫中猗朱闌小凭知魚樂
正是濠梁春水時

繹堂

繹堂小坐繹然思六藝原應兼執之設使工夫艱並及
不妨力守一經為

寒綠軒

無礙歲寒曰有筠春來綠色又從新池中埭上皆君子
舍此應為何等人

篇留洞

北谷含虛逕轉幽雲漿疑是乳鍾流笑予詩句非坡也
一例鵲崖七字留

含滄亭

曲峽盈科就下行泠泠落落若琴鳴勗哉負笈來遊者
宜味滄浪之水清

啓蹕保定之作

保陽晨已傳清蹕趙北明當試水蒐自是民情鎮依戀

要須勝處戒淹留樵薪雅作鴻達化

蓮池書院增葺學舍督臣奏請臨幸

因賦漁溪樂處五言八韻並課多士

保障重經雉堞脩

府城向就廢陞因發帑重脩今來周

視大改觀矣

徑歷城闌即郊甸露光麥氣靄迎眸

駐蹕端村

延

聲臺麓歸取便省南畿

仁祖恩今在

慈寧壽古稀煙宮宜

豫養八政慎幾微獵舫沙汀集聊將試水圍

澹對軒作

樸宇淀池上煙波對渺瀰野船閒出沒水墅遠參差觸
目有如此澄心乃不期前題一再詠訝隔許多時

癸酉至今

辛巳巳
八年矣

題安福艫

水菟乃偶試畫舫却先來岸側繫楊侯明當破曉開四
年懷散置一晌適清陪恒此南巡御安然福九垓

悅心亭二首

澹對軒前四柱亭周遭春水護芳汀蒼茫萬頃碧無盡
村樹微分如薺青

煙意波容雅相

入聲

宜郡殊覽社與菱絲會心不遠居然

遠剪綵裝春又底為

地方吏園亭植樹綴
花反失天然佳趣矣

平陽淀水園

圍期較畧過頭鵞

水圍率以正月杪二月初為度茲畧過期

尚聚鳬鷺此淀

多

命駕道視園場別淀無一禽接止惟此淀聚有數千咸以為奇

漫頌川靈茲有效由

來

祖制奉無訛應聲亂落如飄雪拾墮旋收仍蔽波小試
可哉傳罷獵當春生意戒傷和

趙北口行齋對月

三月十三日

冰鏡掛空高將圓欠幾毫星光藏碧宇燭影捲銀濤自
是斯齋素偏欣此際遭春江花月夜麗句緬兵曹

新城行宮作

四圍臨碧水幾樹發紅花駐早因程近尋春引興賒軒
亭喜淳樸甌研總清嘉一宿明當去翻嫌此似奢

涿鹿行三疊前韻

詰旦發新城涿野按轡行滾滾露氣重麥穎珠光明農
家已期餅餌飽我戒滿言敢言好行館壁題憶向來成
功藏事誠神巧失之甚皆得之尤

見開
感論

旋轉總沐

天恩稠筠冲扈蹕掄材留麟裏琅玕厥貢收更復伊犁

農事脩

永濟橋

有序

范陽郡古梯航並轅燕都督亢陂遙襟帶斜聯涿
水葦勝朝之廢軌咨疆吏以傳馨昨者鵠珉紀事
具見大端茲焉行仗成詩重賡七字

蜿蜒長橋跨涿河重脩工竣此經過多躡涵洞防秋漲
已看洪川吸衆波萬國共球茲會極九瀛壺嶠始盈科
輿梁亦可通為政君子名言憶勇軻

郊臺有序

行春還赤縣才餘一舍之程卓午駐青旗載跂

三成之墀官柳依依夾路年前想解戰袍女牆疊疊緣
階日下疑聞搥鼓上將今來裘帶雍容扈蹕同登
豐碑昔著雅歌肅穆

升香特拜凡此竚鳶旌而屬句彌懷

帝祚延洪不忘臨虎穴以宣猷益切予心保泰

郊臺曾此勞軍迴列燾虔酬

天佑恢一歲循環真迅矣萬年景祿實貽哉於今祇凜
持盈念絕域寧誇拓土材者定新疆籌善後共勤耕牧
闢汙萊

恭奉

皇太后西巡迴鑾駐

暢春園之作

安輿虔奉祝

釐迴今歲春巡實慶哉已喜田疇麥針密又看雲送雨

絲來

是日復微雨

仙園韶景薰馨鬯

壽域鴻禧詠蕩開

天意昭庥深感幸勅幾益慎凜栽培

御園暮春三首

春風鸞輅省耕歸喜看沿途麥色肥上巳清明都過了
御園花事尚芳菲

細雨輕風一漾舟柳稊將褪絮飛浮山村北遠偏宜涉
綠水溶溶浸稻疇

韶光粲晏暮春時
趁景言游意更遲
踰月豈無疎畧處
亟臨勤政切疇咨

題繪雨精舍

森森銀竹矗煙空
繪事東皇有獨工
亂織素絲非後素
即看紅杏是新紅
峯巒入詠油雲外
簾笠催耕潤野中
記得樓霞駐春蹕
山房佳致宛相同

樓霞山春雨
山房曾有詠

納翠軒口號

假山植真樹當春亦向榮
何必分賓主都來強與名

含清閣

湛華饒水木挹韻在琴書徑曲致因靜簷虛趣轉舒春
秋足風月飛躍有鳶魚縱異伯夷道偶憑亦起予

橫雲堂

向日橫雲出想像今朝真箇是橫雲寧云戀岫高陵表
幾覺衣襟合莫分時露曦光旋變黶微飄雨點更氤氲
無厭又冀優霑霑觀過吾緣望歲慙

御園雨泛三首

三月十九日

傍晚雲容方靄霽霏空雨脚乍霏零打船薄冷誠何礙
北地三春得鮮逢

柳綠花紅春已都一經濯沐趣尤殊拈毫真是漱芳潤
興在江南鶯脰湖

潏沕滄池好汜船一天雲意滿溪煙魚山梵唱知何處
轉過芳隄見眼前

管道昇水墨杏花

不著胭脂意自紅誰能致訝與梅同雖無香氣饒神韻

津逮依然林下風

賦得賢不家食

得同字八韻
會試題

尚賢天所祐濟世業方崇無取玉藏櫝有如虎嘯風聞
明仰虞帝吐握式周公相得惟神契弗殫傾耳聰養期
食家不交必出門同吉也拔其彙亨哉畜以通士恒資
顯德君亦待弘功易理誰詮釋子淵頌語中

微雨

三月廿二日

迺日雨時來亦時被風遣昨晚雲色黃踊愁作霾卷入

夜報濃陰四更雨霏宛疾徐問達旦眠枕誰能穩清晨
視階除水積土香滿度潤剛及寸禺中風作轉躑躅生
餘惜徘徊頻仰眄

乾澤今歲美繼霈斯盡善無厭人皆然恃

愛吾未免

賦得野合時雨潤

得濃字八韻
武翰林題

北地常含潤三春實鮮逢去年已微倖今歲更稠穠微
夜雲容霽侵晨雨勢零為煙依柳暗非雪入花茸有喜

皆知我無他總為去聲農氣清香餅餌兆吉飫殮養民計

庶紓豫

天恩信渥濃沐茲何以荅勤政勗嚴恭

于闐采玉

于闐采玉人淘玉出玉河秋時河水涸撈得瓊琳多曲
躬逐逐求寧慮涉寒波玉不自言人盡知那曾隔璞待
識之卞和三獻刖兩足審然天下應無玉

文徵明松陰聽瀑圖

為愛泉聲滌垢思不替不履坐屢屨山莊曾學斯人聽
却愧中涓供奉隨

直隸總督方觀承奏報保定得雨

迴鑒三度雨纔得寸餘滋所幸仲春霑既優足待時惟
是稍稍風預恐期且遲孜孜為民心

皇天其鑒之前朝雨此微誰知澤南施保陽亦吾民覽
奏為解頤麥色適所見渥此應更慙勤農百政首祈年

一念寅

戲題紫白丁香

同是春園百結芳紫丁香遜白丁香

白者香紫者不香故戲及之

山

人衣好僧衣俗鄭谷清詞趣獨長

暮春萬壽山樂壽堂作

問

安餘暇一來遊逾月韶光爾許稠
花色愛承仙露湛柳絲偏冒惠風柔
生憐錦埭蜂衙簇訝覺冰疏駒影道
書圓禮園芳潤漱雅宜小試寸田耰

延清樓

座對青山一嶺橫
寂無塵處有餘清
高樓漫笑忽忽去
輸爾兼收實與名

石舫

煙舫欲登由石舫
若為止者若為行
金剛四句分明注
一切無非強與名

景明樓

一隄楊柳兩湖煙
中界高樓翼翥然
入畫來疑到蓬閣

引舟去不限神仙雲霞流麗東西暎天水空明上下鮮
津逮原從仲淹記與歸吾亦緬前賢

題藻鑑堂

曲抱步廊披湖圍中面池虛明內外體上下水雲思此
可通為政物來惟順施設如事察察照却有遺時

春風啜茗臺

山巔屋亦可稱臺小坐偷閒試茗杯拂面春風和且暢
言思管仲濟時材

治鏡閣八韻

湖樓名治鏡本自鏡中治四面望無際三層迴出奇到
須舟楫藉登便畫圖披上下鳶魚趣春秋風月思滕王
絳州記范相岳陽詞文則彼佳矣義斯我繹之求賢惟
矻矻勤政要孜孜無易由言鑑君難勉力為

昆明湖泛舟至玉泉山

春水今年好泛舟乘閒耐可溯源頭予心所樂不存此
樂在千畦溉早周

育蠶種稻學江南率欲因之民務探耕織圖邊看活畫
四明樓璫較應慙

界湖樓畔艤蘭橈明淨溪山勝賞邀踰月雖然此孤負
還饒蓄眼物華撩

暮春玉泉山攬景

葉吐復花開春光已鬯哉豈非絕勝處却是不常來暗
竇明亭側竹鑪茗椀陪吾寧事高逸偶此浣詩裁

即事

大意畧觀便移步幾曾佳處鎮徜徉山靈未免還予笑
如此尋春有底忙

登玉峯塔

八面透瓊瓏明標內外空意為身口本

佛像標身經標
口塔標意出貝

典

法離去聲有無中是日閒成陟三春景不窮問予喜何

在阿那麥芄芄

麗矚軒

常時竄高處登塔此為低了識名何定難言物與齊將

花藤引蔓欲絮柳零稀西嶺堪緣降闌干翠靄迷

罨畫窓

肩輿取暇陟雲衢憩衆因之摘句吾那識此窓名罨畫
分明眼底看西湖

俯青室

麗矚軒旁十笏室山巔訝似嵌巖圍俯青名實今來副
濯雨峯姿翠靄飛

題涵漪齋

復降忽在原在原且臨水迴望玉峯塔岩堯天半矣入
影宛波心上下空明視高齋一憑攬攬景窮其理風到
自成文倚吟有若此

含峭居

一朶芙蓉上置居騁懷遊目總清舒黃庭設問為何境
不是彌羅即禹餘

影湖樓

溪路通舟出水門湖樓影在水中宛不妨挂棹暫留憩

迴望山園又可論
景向冲融理趣會
興於上下化機存
旋撓底較來時捷
畧似裴家此得源

董源溪山風雨

膩雲落脚雨森森
山色糝糊樹影沉
曲盡人情寧雨藉
周書熟讀久關心

萬壽寺

齋居返禁庭
孟夏言親

祀路便憩精藍

慶典圖經始松檜古益佳棟宇新斯美

萬壽叶貞符固予願所喜

廣州民楊能啟年百歲妻年一百一歲特予期頤
偕老之扁以旌人瑞並成是什賜之

年登百歲已堪欣偕老期頤古未聞便是竇公無內子
欲羸羅氏有夫君兒圍孫繞倡隨叶五嶺三山瑞靄氤
四字旌間更成詠祥徵慶典蔚

慈雲

顧懿德溪橋書屋

碧水蒼山儘可居
溪橋之畔樹扶疎
何當坐彼巖樓裏
重讀廿年以上書

河南山東復得雨誌慰

迴蹕日逢微雨灑

十七日至都微雨河南山東均於是日得雨雪足今報至

却看雲

色向南濃誰知齊豫均
霑澤生我來牟
普利農兼可耕
耘逮穀穀奄觀銍艾冀秋冬

天恩今歲誠駢疊一喜惟深一懼從

夜雨

三月晦日

今春澤兆佳


天貺承常懷昨近每作風氣轉清且凜因虞雨其遲兆
符乎未審祈全固若斯期美實亦甚茲日乃晦日韶光
已苒荏卓午溫暖蒸入夕油雲淪霞霞忽隔窓反側聽
歌枕疎密徹五更問勢那安寢未明即求衣時

享益顒朕霖霖猶未止簷溜鴛瓦飲二麥定登盤百穀
冀高廩秋成允尚遥敢即侈言稔戒滿勵若驚實政惟

懃恁



御製詩三集卷十二



總校官庶吉士臣侍朝

校對官編修臣閔惇大

謄錄監生臣任益春